




2422
5

ル 7
3048
5

大唐西域記第九

大總持寺沙門辨機撰三藏法師玄奘奉詔譯



摩揭陀國下

菩提樹東渡尼連禪那河大林中有翠堵波其北有
池香象侍母處也如來在昔修菩薩行為香象子居
北山中遊此池側其母盲也採采蒲根汲清水恭行
孝養與時推移屬有一人遊林迷路彷徨往來悲號
慟哭象子聞而愍焉導之以示歸路是人既還遂白
王曰我知香象遊舍林藪此奇貨也可往捕之王納

爵頭藍子
惡願目錄

其言興兵往捕是人前導指象示王即時兩臂墮落
若有斬截者其王雖驚此具仍縛象子以歸象子既
已維繫多時而不食水草典廐者聞王王遂親問之
象子曰我母育我累日飢餓今見幽厄記能甘食王
愍其情志故遂放之其側率堵波前建石柱是昔迦
葉波佛於此宴坐其側有過去四佛座及經行遺迹
之所四佛坐東渡莫訶河至大林中有石柱是外道
入定及發惡願處昔有外道爵頭藍子者志逸煙霞
身遺草澤於此法林棲神匿迹既具五神通得第一
有定摩提陀王特深宗敬每至中時請就宮食爵頭

藍子凌虛履空往來無替摩揭陀王候時瞻望亦既
至已捧接置座王將出遊欲委留事簡擢中宮無堪
承命有少息女淑慎令儀既親且賢無出其右摩揭
陀王召而命曰吾方遠遊將有所委爾宜悉心慎終
其事彼爵頭藍仙宿所宗敬時至來飯如我所奉勅
誠既已便即巡覽少女承旨瞻候如儀大仙至已捧
而置座爵頭藍子既觸女人起欲界染退失神通飯
訖言歸不得虛遊中心愧耻詭謂女曰吾比修道業
入定怡神凌虛往來略無暇景國人願覩聞之久矣
然先達垂訓利物為務豈守獨善忘其兼濟今欲從

門而出發地而往使夫覩見之徒咸蒙福利王女聞
已宣告遠近是時人以心競灑掃衢路百千萬衆佇
望來儀爵頭藍子步自王宮至彼法林宴坐入定心
馳外境棲林則鳥鳥嚶轉臨池乃魚鱉誼聲情散心
亂失神廢定乃生忿恚即發惡願願我當來爲暴惡
獸狸身鳥翼搏食生類身廣三千里兩翅各廣千五
百里投林噉諸羽族入流食波水生發願既已忿心
漸息勤求頃之復得本定不久命終生第一有天壽
八萬劫如來記之天壽畢已當果昔願得此弊身從
是流轉惡道末期出離

其訶河東入大林野行百餘里至屈屈反叱播陀
山唐言亦謂窶盧播陀山尊足高巖峭嶮極深靜洞
無涯山麓谿澗喬林羅谷固岑嶺嶂繁草被巖峻起
三峯傍挺絕嶠氣將天接形與雲同其後尊者大迦
葉波居中寂滅不敢指言故云尊足摩訶迦葉波者
聲聞弟子也得六神通具八解脫如來化緣斯畢垂
將涅槃告迦葉波曰我於曠劫勤修苦行爲諸衆生
求無上法昔所願期今已果滿我今將欲入大涅槃
以諸法藏囑累於汝住持宣布勿有失墜姨母所獻
金縷袈裟慈氏成佛留以傳付我遺法中諸修行者

若苾芻苾芻尼鄒波索迦唐言近事男舊曰伊蒲一波斯迦唐言近事女舊優婆塞期皆先濟渡今離流轉
迦葉承旨住持正法結集既已至第二十一年厭世無
常將入寂滅乃往鷄足山山陰而上屈盤取路至西
南岡山險阻崖徑槃薄乃以錫杖扣剗之如剗山
徑既開逐路而進槃紆曲折廻互針通至于山頂東
北面出既入三峯之中捧佛袈裟而立以願力故三
峯斂覆故今此山三春隆起當來慈氏世尊之興世
也三會說法之後餘有無量憍慢衆生將登此山至
迦葉所慈氏彈指山峯自開彼諸衆生既見迦葉更

增憍慢時大迦葉授衣致辭禮敬已畢身昇虛空示
諸神變化火焚身遂入寂滅時衆瞻仰憍慢心除因
而感悟皆證聖果故今山上建窣堵波靜夜遠望或
見明炬及有登山遂無所覩

鷄足山東北行百餘里至佛陁伐那山峯崖崇峻巖
嶠陰嶙巖間石室佛掌降止傍有磐石帝釋梵王摩
牛頭旃檀塗飾如來今其石上餘香郁烈五百羅漢
潛靈於此諸有感遇或得覩見時作沙彌之形入里
乞食或隱或顯靈奇之迹著難以述佛陁伐那山空
谷中東行三十餘里至洩反結瑟知林唐言林竹脩

勁被山滿谷其先有婆羅門聞釋迦佛身長丈六常
懷疑惑未之信也乃以丈六竹杖欲量佛身恒於杖
端出過丈六如是增高莫能窮實遂投杖而去因植
根焉中有大窣堵波無憂王之所建也如來在昔於
此七日為諸天人現大神通說深妙法杖林中近有
鄒波索迦闍耶犀那者言西印度刹帝利種也志
尚夷簡情悅山林迹居幻境心遊真際初內外典籍
窮究幽微辯論清高儀範閑雅諸沙門婆羅門外道
異學國王大臣長者豪在相趨通謁伏膺請益受業
門人十室而六年漸七十耽讀不倦余藝捐廢唯習

佛經策勵身心不捨晝夜印度之法香抹為泥作小
窣堵波高五六寸書寫經文以置其中謂之法舍利
也數漸盈積建七窣堵波揔聚於內常修供養故勝
軍之為業也口則宣說妙法導誘學人手乃作窣堵
波式崇勝福夜又經行禮誦宴坐思惟寢食不遑晝
夜無怠年百歲矣志業不衰三十年間允作七拘朧
唐言法舍利窣堵波每滿一拘朧建大窣堵波而揔
置中盛修供養請諸僧眾法會稱慶其時神光燭曜
靈異昭彰自茲厥後時放光明
杖林西南十餘里大山陽有二溫泉其水甚熱在昔

如來化出此水於中浴焉今者尚存清流無減遠近
之人皆來就浴沉痾宿疾多有除差其傍則有窣堵
波如來經行之處也杖林東南行六七里至大山橫
嶺之前有石窣堵波昔如來兩三月為諸人天於此
說法時頻毗娑羅王欲來聽法乃疏山積石壘階以
進廣二十餘步長三四里

大山北三四里有孤山昔廣博仙人棲隱於此製壘
為室餘趾尚存傳教門人遺風猶扇孤山東北四五
里有小孤山山壁石室廣袤可坐千餘人矣如來在
昔於此三月說法石室上有大磐石帝釋梵王磨牛

頭旃檀塗飾佛身石上余香于今郁烈

石室西南隅有巖岫印度謂之阿素洛

舊曰阿須倫

又曰阿須倫官也往有好事者深閑咒術顧傳命侶十

有四人約契同志入此巖岫行三四十里廓然大明

乃見城邑臺觀皆是金銀瑠璃是人至已有諸少女

佇立門側歡喜迎接甚加禮遇於是漸進至內城門

有二婢使各捧金盤盛滿華香而來迎候謂諸人曰

宜就池浴塗冠香華已而後入斯為美矣唯彼術士

宜時速進余十三人遂即沐浴既入池已悅若有志

乃坐稻田中去此之北平川中已三四十里矣

石空側有棧道廣十餘步長四五里昔頻毗沙羅王
將往佛所乃斬石通谷疏崖導川或壘石或鑿巖作
為階級以至佛所從此大山中東行六十餘里至矩
奢揭羅補羅城唐言城上第宮城摩揭陀國之正中
古先君王之所都多出勝上吉祥香第以故謂之上
第城也崇山四周以為外郭西通峽徑北闢山門東
西長南北狹周一百五十餘里內城餘址周三十餘
里羯尼迦樹遍諸蹊徑華含殊馥色爛黃金暮春之
月林皆金色

宮城北門外有窰堵波是提婆達多與未生怨王共

為親友乃放護財醉象欲害如來如來指端出五師
子醉象於此馴伏而前

伏醉象東北有窰堵波是舍利子聞阿濕婆特苾芻

唐言馬勝說法證果之處初舍利子在家也高才雅量見

重當時門生學徒傳以受業此時將入王舍大城馬

勝苾芻亦方乞食時舍利子遙見馬勝謂門生曰彼

來者甚庠序不證聖果豈斯調寂宜少行待觀其進

趣馬勝苾芻已證羅漢心得自在容止和雅振錫來

儀舍利子曰長老善安樂耶師何人證何法若此之

悅豫乎馬勝謂曰爾不知耶淨飯王太子捨轉輪王

位悲愍六趣苦行六年證三菩提具一切智是吾師也夫法者非有非空難用詮鈎唯佛與佛乃能究述豈伊愚昧所能詳議因為頌說稱讚佛法舍利子聞已獲果證

舍利子證果此不遠有大深坑傍建窣堵波是室利勝密以火坑毒飯欲害佛處勝密者崇信外道深著邪見諸梵志曰喬答摩國人尊敬遂令我徒無所特賴汝今可請至家飯會門穿大坑滿中縱火燒以朽不覆以燥上九諸飯食皆雜毒藥若免火坑當遭毒食勝密承命便設毒會城中之人皆知勝密於

世尊所起惡害心咸皆勸請願佛勿往世尊告曰無得懷憂如來之身物莫能害於是受請而往足履門闌火坑成池清瀾澄鑒蓮華弥漫勝密見已憂惶無措謂其徒曰以術免火尚有毒食世尊飯食已訖為說妙法勝密聞已謝容歸依

勝密火坑東北山城之曲有窣堵波是時縛迦大鑿舊曰勝密於此為佛建說法堂周其墻垣種植華果餘北藥抹尚有遺迹如來在世多於中止其傍復有縛迦故宅余基舊井墟坎猶存宮城東北行十四五里至結栗陀羅矩吒山舊言鷲峯亦謂鷲臺接北山之

陽孤標特起既棲鷲鳥又類高臺空翠相映濃淡分
色如來御世垂五十年多居此山廣說妙法頻毗娑
羅王為聞法故興發人徒自山麓至峯岑跨谷陵巖
綿石為階廣十餘步長五六里中路有二小窄堵波
一謂下乘即王至此徒行以進一謂退元即簡元夫
不令同往其山頂則東西長南北狹臨崖西垂有軌
精舍高廣奇制東闢其戶如來在昔多居說法今作
說法之像量等如來之身
精舍東有長石如來經行所履也傍有大石高丈四
五尺周三十餘步是提婆達多遙擲擊佛處也其南

崖下有翠堵波在昔如來於此說法華經精舍南山
崖側有大石室如來在昔於此入定
佛石室西北石室前有大盤石阿難為魔怖處也尊
者阿難於此入定魔王化作鷲鳥於黑月夜分據其
大石奮翼驚鳴以怖尊者尊者是時驚懼無惜如來
鑒見申手安慰通過石壁摩阿難頂以大慈言而告
之曰魔所變化宜無怖懼阿難蒙慰身心安樂石上
鳥迹崖中通穴歲月雖久于今尚在精舍側有數石
室舍利子等諸大羅漢於此入定舍利子石室前有
一大井枯涸無水墟坎猶在精舍東北石澗中有大

盤石是如來驪袈裟之處，文明徹皎如彫刻，其傍石上有佛，脚迹輪文，雖暗規模可察。北山頂有窣堵波，是如來望摩揭陀城於此七日說法。山城北門西有毗布羅山，聞之士俗曰：山西南崖陰昔有五百溫泉，今者數十而已。然猶有冷有煖，未盡溫也。其泉源發山南，無熱池潛流至此，水其清美，味同本池，流經五百枝，小熱地獄火，繫上炎致斯溫熱。泉流之口並皆彫石，或作師子，曰象之首，或作石筒懸流之道，下乃編石為池，諸方異域咸來此浴。浴者宿跡多，差溫泉左右諸窣堵波及清舍基址，鱗次並是過。

上，佛坐及經行遺迹之所。此處既山水相帶，仁智攸居，隱淪之士蓋亦多矣。溫泉西有畢針羅石室，世尊在昔恒居其中。後壁洞穴是阿素洛宮也。習定處多，居此室時，出怪異，龍蛇師子之形見之者，心發狂亂。然斯勝地靈聖，所止躡迹，欽風忘其災禍。近有必得戒行貞潔，心樂幽寂，欲於此室匿迹習定，或有諫曰：勿往彼也。彼多災異為害不少，既難取定，亦恐喪身。官卷前事，勿貽後悔。苾芻曰：不然，我方志求佛果，摧伏天魔，若此之害，夫何足言！便即振錫而往。室焉於是設壇場，誦禁咒，旬日之後，穴出少女，謂苾芻。

曰尊者染衣守戒爲含識歸依修習定作生靈善
導而今居此驚懼我曹如來之教豈若是耶苾芻曰
我守淨戒導聖教也匿迹山谷遠誼雜也忽此見識
其然安在對曰尊者誦咒聲發天從外入燒我居室
苦我枝屬唯願悲愍勿復誦咒苾芻曰誦咒護身非
欲害物往者行人居此習定期於聖果以濟幽塗觀
怪驚懼喪棄身命汝之事也其何辭乎

對曰罪障既重智慧斯淺自今已來屏居守分亦願
尊者勿誦神咒苾芻於是修定如初安靜無害毗布
羅山上有窣堵波昔者如來說法之處今有露形外

新依此住修習苦行夙夜匪懈自且至昏旋轉觀
察

山城北門左南崖陰東行二三里至大石室昔提婆
達多於此入定

石室東不遠盤石上有班采狀如血染傍建窣堵波是
苾芻定處自害證果之處昔有苾芻勤勵心身屏居
修定歲月逾遠不證聖果退而自咎竊復歎曰無學
之果終不時證有累之身徒生何益便就此石自刺
其頸此時即證阿羅漢果上果虛空示現神變化火
焚身而入寂滅美其雅操建以記功苾芻證果東石

崖上有石，率堵波習定，苾芻投崖證果之處，昔在佛
世，有一苾芻宴坐山林，修證果定，精勤已久，不得果
證，晝夜繼念無忘，靜定如來，知其根機，將發也，遂往
彼而成之。自竹林園至山崖下，彈指而召，佇立以待。
時此苾芻遙觀聖衆，身意勇悅，投崖而下，猶其淨心
敬信佛語，未至千地，已獲果證。此尊告曰：宜知是時
即昇虛空，示現神變，用彰淨信。故斯封記。

山城北門行一里餘，至迦蘭陀竹園。今有精舍石基，
軒窗東開，其戶如來在世多居。此中說法開化，導九
極俗，今作如來之像，重等如來之身。初此城中有大

長者迦蘭陀，時稱豪貴，以大竹園施諸外道，及見如
來開法，淨信追惜，竹園居彼異衆。今天人師無以，館
舍時諸神鬼感其誠心，片逐外道而告之曰：長者迦
蘭陀當以竹園起佛精舍，汝宜速去，得免危厄。外道
憤恚含怒而去。長者於此建立精舍，功成事畢，躬往
請佛如來。是時遂受其施，迦蘭陀竹園東有率堵波
阿闍多設咄路王。阿闍多設咄路王，未生怨王時，日之所建也。如來
沮槃之後，諸王共分舍利，未生怨王得以持歸。式遵
崇奉，而修供養，無憂王之勇信心也。開取舍利，建率
堵波，尚有遺餘時燭光景。

未生怨王，窣堵波側，窣堵波有尊者阿難，半身舍利，昔尊者將寂滅也，去摩揭陀國趣吠舍釐城，兩國交爭，欲興兵甲，尊者傷怒，遂分其身，摩揭陀王奉歸供養，即斯勝地，式修崇建，其傍則有如來經行之處，次此不遠，有窣堵波，是舍利子及沒特伽羅子等安居之所，竹林園西南行五六里，南山之陰，大竹林中有大石室，是尊者摩訶迦葉波於此與九百九十九大阿羅漢以如來涅槃後結集三藏，前有故基，未生怨王為集法藏諸大羅漢建此堂宇，初大迦葉宴坐山林，忽燭光明，又觀地震，曰：是何祥變？若此之異，以天

眼觀身，併世尊於雙林間入般涅槃，尋命徒屬趣拘尸城，路逢梵志手執天華，迦葉問曰：汝從何來？知我大師今在何處？梵志對曰：我適從彼拘尸城來見汝大師，已入涅槃，天人大眾咸興供養，我所持華自彼得也。迦葉聞已，謂其徒曰：慧日淪照，世果皆冥，善導遐棄，衆生顛墜，懈怠茲躬，更相賀曰：如來寂滅，我曹安樂。若有犯誰能訶制？迦葉聞已，深更感傷，思集法藏，據教治犯，遂至雙樹觀佛禮敬，既而法王去，世人天無導，諸大羅漢亦取滅度，時大迦葉作是思惟：承順佛教，宜集法藏，於是登蘇迷盧山，擊大捷鼓，唱

如是言今王舍城將有法事諸證果人宜時速集捷
捷聲中傳迦葉教遍至三千大千世界得神通者聞
皆集會是時迦葉告諸衆曰如來寂滅世界空虛當
集法藏用報佛恩今將集法祿從簡靜豈特群居不
成勝業共有具三明得六神通聞持不謬辯才無礙
如斯上人可應結集自餘果學各歸其居於是得九
百九十九人除阿難在學地大迦葉召而謂曰汝未
盡漏宜出聖衆曰隨侍如來多歷年所每有法議曾
未棄遺今將結集而見壞行法王寂滅失所依怙迦
葉告曰勿懷憂惱汝親侍佛誠復多聞然愛惑未盡

習結未斷阿難辭屈而出至空寂處欲取無學勤求
不證既已疲怠便欲假寐未及伏枕遂證羅漢往結
集所即門白至迦葉問曰汝結盡耶宜運神通非門
而入阿難承命從鑰隙入禮僧已畢退而復坐是時
安居初十五日也於是迦葉揚言曰念哉諦聽阿難
聞持如來解讀集素咀纒舊曰修多羅說也藏優波釐持律
明究衆所知識集毗奈耶舊曰毗耶說也藏我迦葉波集
阿毗達磨藏兩三月盡集三藏訖以大迦葉僧中上
座因而謂之上座部焉
大迦葉波結集西北有窣堵波是阿難受僧訶責不

西遊記
預結集至此宴坐證羅漢果證果之後方乃預焉阿
難證果西行二十餘里有窣堵波無憂王之所建也
大衆部結集之處諸學無學數百千人不預大迦葉
結集之衆而來至此更相謂曰如來在世同一師學
法王寂滅簡異我曹欲報佛恩當集法藏於是九聖
咸會思智畢華復集素咀纈藏毗奈耶藏阿毗達磨
藏雜集藏禁咒藏別爲五藏而此結集九聖同會因
而謂之大衆部

竹林精舍北行二百餘步至伽蘭陀池如來在世多
此說法水既清澄具八功德佛涅槃後枯涸無餘迦

蘭陀池西北行二三里有窣堵波無憂王所建也高
六十餘尺傍有石柱刻記立窣堵波事高五十餘尺
上作象形

石柱東北不遠至羯羅閼娑利呬城唐言外郭已壞
無復遺堵內城雖毀基址猶峻周二十餘里面有一
門初頻毗婆羅王都在上苑宮城也編戶之家頻遭
火害一家縱逸四隣懼災防火不服資產廢業衆庶
嗟怨不安其居王曰我以不德下民懼患修何福德
可以懼之群臣曰大王德化邕穆政教明察今茲編
民不謹致此火災宜制嚴科以清後犯若有火起窮

究先發罰其首惡遷之寒林寒林者棄屍之所俗謂不祥之地人絕遊往之迹令遷於彼同夫棄屍既耻陋居當自謹護王曰善宜遍宣告居人頃之王宮中先自失火謂諸臣曰我其遷矣乃命太子監攝留事欲清國憲故遷居焉時吠舍釐王聞頻毗娑羅王野處寒林整集戎旅欲襲不虞連侯以聞乃建城邑以王先舍於此故稱王舍城也官屬士庶咸徙家焉或云至未生怨王乃築此城未生怨太子旣嗣王位因逐都之建無憂王遷都波吒釐城以王舍城施婆羅門汝今城中無復允民唯婆羅門城千家耳

官城西南隅有二小伽藍諸國客僧往來此止是佛昔日說法之所次此西北有窣堵波殊底色唐言星舊日樹是長者本生故里

城南門外道左有窣堵波如來於此說法及度羅枯羅從此北行三十餘里至那爛陀唐言施僧伽藍聞之者舊曰此伽藍南巷沒羅林中有池其龍名那爛陀唐言建伽藍因取爲稱從其實議是如來在昔修菩提行為大國王建都此地悲愍衆生好樂周給養其德号施無狀由是伽藍因以爲稱其地本巷沒羅園五百商人以十億金錢買以施佛佛於此處三月說

法諸商人等亦證聖果佛涅槃後未久此國先王鑠
迦羅阿迭多唐言敬重一乘遵崇三寶式占福地建
此伽藍初興功也穿傷龍身時有善占尼乾外道見
而記曰斯勝地也建立伽藍當必昌盛為五印度之
軌則踰千載而彌隆後進學人易以成業然多歐血
傷龍故也其子佛陀鞠多王唐言繼體承統奉遵勝
業次此之南又建伽藍吐他揭多鞠多王唐言篤修
前緒次此之東又建伽藍婆羅阿迭多唐言王之嗣
位也次此東北又建伽藍功成事畢福會稱慶輸誠
幽顯延請九聖其會也五印度僧方里雲集衆坐已

定二僧後至引上第三重閣或有問曰王將設會先
請九聖大德何方最後而至曰我至那國也和上嬰
孫飯已方行受王遠請故來赴會聞者驚駭遂以白
王王心知聖也躬往問焉遲上重閣莫知所去王更
深信捨國出家出家既已位居僧末心常快快懷不
自安我昔為王尊居最上今者出家卑在衆末尋往
白僧自述情事於是衆僧和合令未受戒者以年齒
為故此伽藍獨有斯制其王之子代閼羅唐言嗣
位之後信心貞固復於此西建立伽藍其後中印度
王於此北復建大伽藍於是周垣峻峙同為一門既

歷代君主繼出興建窮諸剎誠壯觀也帝曰王本
伽藍者今置佛像衆中日差四十僧就此而食以報
施主之恩僧徒數千並俊戈高學也德重當時聲馳
異域者數百餘矣戒行清白律儀淳粹僧有嚴制衆
咸負素仰度諸國皆仰則焉請益談玄渴曰不足夙
夜驚誠少長相成其有不談三藏幽旨者則形影自
愧矣故異域學人欲馳聲問咸來稽疑方流雅譽是
以竊名而遊代得禮重殊方異域欲入談議閣詰難
多出而還學深今古乃得入焉於是客遊後進詳論
藝能其退飛者固十七八矣二三博物衆中次詰其

其名若其高才博物弘識多能明德哲
人照暉繼軌至如護法護月振芳塵於遺教德慧堅
慧流雅譽於當時光友之清論勝友之高談智月則
夙蒙明敏戒賞乃至德幽邃若此上人衆所知識德
隆先達學貴難述作論釋各十數并並盛流通見
於當世伽藍四周聖迹百數舉其二三可略言矣
伽藍西不遠有精舍在昔如來三月止此為諸天人
廣說法次南百餘步小窰堵波遠方苾芻見佛處
昔有苾芻自遠方來至此遇見如來聖衆內發敬心
五體投地即發願求輪王位如來見已告諸衆曰彼

慈者甚可憐惜福德深遠信心堅固若求佛果不
久當證今其發願求轉輪王於當來世必受此報稱
體投地下至金輪其中所有微塵之數一一塵是一
輪王報也既耽世樂聖果斯遠其南則有觀自在菩
薩立像或見執香鑪往佛精舍周旋右繞
觀自在菩薩像南窣堵波中有如來三月之間剃剪
髮爪有髮之疾病旋繞多愈其西垣外池側窣堵波是
外道所住於此問佛死生之事次東南垣內五十餘
步有奇樹高八九十尺其幹兩枝在昔如來將楊枝
棄地因植根柢歲月雖久初無增減次東大精舍高

二百餘尺如來在昔於此四月說諸妙法次北百餘
步精舍中有觀自在菩薩像淨信之徒興供養者所
見不同莫定其方或立門側或出簷前諸國法俗咸
來供養觀自在菩薩精舍北有大精舍高三百餘尺
婆羅阿迭多王之所建也莊嚴度量及中佛像同菩
提樹下大精舍其東北窣堵波在昔如來於此七日
宣說法西北則有過去四佛坐處其南鑄鉅精舍
或曰王之所建立功雖未畢然其圖量一十尺而後
成之次東二百餘步垣外有銅立佛像高八十餘尺
重閣六層乃得彌覆昔滿胃王之所作也滿胃王銅

佛像北二三里，軌精舍中，有多羅菩薩像，其量既高，其靈甚察。每歲元日，盛興供養。隣境國王大臣豪族，寶妙香華，持寶旛蓋，金石迦奏，絲竹相和。七日之中，建斯法會。其垣南門內有大井，昔佛在世有大商侶，執渴逼迫，來至佛所。世尊指其地，以可得水。商主乃以車軸熟地，地既為陷，水遂自涌，飲已，聞法皆悟。聖果伽藍西南行八九里，至拘理迦邑，中有窣堵波，無憂王之所建也。是尊者沒特伽羅子，本生故里。傍有窣堵波，尊者於此入無餘涅槃。其中則有遺身舍利。尊者大波羅門種，與舍利子少為親友。舍利子少時，

以精進進學，智相比，動止必俱。結要終始契同，去就相與，狀俗共求，捨家逐師。珊闍耶馬舍利子過馬勝阿羅漢，聞法悟聖，還為尊者重述聞而悟法，遂證初果。與其徒二百五十人俱到佛所。世尊遙見，指告衆曰：彼來者我弟子，中神足第一。既至佛所，請入法中。世尊告曰：善來苾芻，淨修梵行，得離苦惱。於是語時，鬚髮落，俗裳變戒品清淨，威儀調順。七日結漏盡證羅漢果，得神通力。沒特伽羅子故里東行三四里，有窣堵波，頻毗娑羅王迎見。佛度女來，初證佛果。知摩揭陀國人心渴仰，受頻毗娑羅王

請於晨朝時著衣持鉢與千忞角左右圍繞皆是耆
舊螺髻梵志慕法染衣前後翼從入王舍城時帝釋
天王變身為摩那婆首冠螺髻左手執金瓶右手持
寶杖足踏空虛離地四指在大衆中前導佛路時摩
揭陀國頻毗娑羅王與其國內諸婆羅門長者居士
百千萬衆前後導從出王舍城遙迎聖衆頻毗娑羅
王迎侍東南行二十餘里至迦羅臂拏迦邑中有宰
堵波無愛王之所建也是事者舍利子本生故里井
今尚在彼有宰堵波尊者於此寂滅其中則有遺身
舍利尊者大婆羅門種其父高文博識深鑒精微允

請與籍莫不究習其妻感夢具告夫曰吾昨宵寢夢
感異人身被鎧甲手執金剛摧破諸山退立一山之
下夫曰夢甚善汝當生男達學貫世摧諸論師破其
宗致唯不如一人為作弟子果而有娠母忽聰明高
論劇談言無滯礙尊者年始八歲名擅四方其性淳
質其心慈悲巧壞結縛成就智慧無沒特伽羅子少
而用大深法一俗未有所歸於是與沒特伽羅子於
王舍城外道所而修習焉乃相謂曰斯非究竟之理
夫世間苦際也各求明導先當甘露必同其味時大
阿羅漢馬勝執持應器入城乞食舍利子見其威儀

開雅即而問曰汝師是誰曰釋種太子狀世出家成
等正覺是我師也舍利子曰所說何法可得聞乎曰
我初受教未達深義舍利子曰願說所聞焉勝乃隨
宣演說舍利聞已即證初果遂與其徒二百五十人
往詣佛所世尊遙見指告復曰我弟子中智慧第一
至已頂禮願從佛法世尊告曰善來苾芻聞是語時
戒品具足過半月後聞佛為長爪梵志說法聞除
而感悟遂證羅漢之果其後阿難承佛告寂滅明
轉相語各懷悲感舍利子深增戀仰不忍見佛入般
涅槃遂請世尊先入寂滅世尊告曰宜知其時告外

門人至本生里侍者沙弥遍告城邑未生怨王及其
國人莫不風馳皆悉雲會舍利子廣為說法聞已而
去於後夜分正意擊心入滅盡定從定起已而寂滅
焉迦羅臂娑迦邑東南四五里有窣堵波是尊者舍
利子門人入涅槃處或曰迦葉波佛在世時有三拘
胝諸人皆大阿羅漢同於此地無餘寂滅舍利子門
人至諸迦東行三十餘里至因陀羅勢羅婆訶山
其山叢谷杳冥華林翳蔚嶺有日月皎然特起
而南巖間有大石室廣而不高昔如來常於中止
時天帝釋以四十二疑事盡不請問佛為演釋其迹

猶在今作此像擬昔聖儀入中禮敬者莫不肅然敬懼山嶺上有過去四佛坐及經行遺迹之所東峯上有伽藍聞諸士俗曰其中僧衆或於夜分望見西峯石室佛像前每有燈炬常為照燭因陞羅熱羅窣訶山東峯伽藍前有窣堵波謂且反娑由言昔此伽藍習翫小乘小乘漸教也故開三淨之食而此伽藍薄而不墜其後三淨求不時獲有苾芻經行忽見鴈飛翔戲言曰今日衆僧中食不充摩訶薩埵宜知是時言聲未絕一鴈退飛當其僧前投身自殞苾芻見已具白衆僧聞者悲感相謂曰如來設法導誘隨

我我等守遇道行漸教大乘者正理也宜改先執務從聖旨此鴈垂誠為誠明導宜旌厚德傳記終古於是建窣堵波式昭遺烈以彼死鴈墜其下焉

因陀羅勢羅窣訶山東北行百五六十里至迦布德迦唐言伽藍僧徒二百餘人學說一切有部伽藍東有窣堵波無憂王之所建也昔佛於此為諸大衆二宿說法佛說法時有羅者於此林中網捕羽族經日不獲遂作是言我惟薄福恒為斃事來至

佛所持言明日今日如來於此說法令我網捕都無所得妻孥飢餓其計安出如來告曰汝應燃火當與

汝食如來是時化作大鵠投火而死羅者持歸妻孥共食其後重往佛所如來方便攝化羅者聞法悔過自斯捨家修學便證聖果因名所建爲鵠伽藍迦布德迦藍南二三里至孤山甚崇峻樹林蔚茂名華清流被崖注壑上多精舍靈廟頗極剏剏之工正中精舍有觀自在菩薩像軀量雖小威神感肅手執蓮華頂戴佛像常有數人斷食要心求見菩薩七日二十七日乃至一月其有感者見觀自在菩薩妙相莊嚴威光赫弈從像中出慰喻其人昔南海僧伽羅國王清且以鏡照而不見其身乃觀瞻部洲摩揭陀國

多羅林中小山上有此菩薩像王深感慶圖以營求既至此山寔唯肖似因建精舍興諸供養自後諸王尚想遺風遂於其側建立精舍靈廟香華伎樂供養不絕

孤山觀自在菩薩像東南行四十餘里至一伽藍僧徒五十餘人並學小乘法教伽藍前有大窣堵波多有靈異佛昔於此爲梵天王等七日說法其側則有石三佛座及經行遺迹之所伽藍東北行七十餘里宛伽河南至大聚落人民殷盛有數天祠並窣堵波東南不遠有大窣堵波佛昔於此一宿說法從此

東入山林中行百餘里至洛般膩羅聚落伽監前有
 大窣堵波無憂王之所建佛昔於此三月說法此北
 二三百里有大池周三十餘里四色蓮花四時開發從
 此東入大山林中行二百餘里至伊爛拏鉢代多國
 中即度境
 上音模反 汲音急引 彷彿下音聖反 彌慟上音臺下
 下音韻反 大興林藪下音噴澤維繫下音立反 殷音救養象
 也亦詎也音巨宴坐反上安也履迹上力反下力反 簡摧下
 亦亦詎也音巨宴坐反上安也履迹上力反下力反 簡摧下
 出也激慎也上音熟也善詭過委反怡神反上余之暇景
 上胡焉反 嬰轉反 一耕反下知反 狸力反也 搏食

峯密也下七反 深谷反下呼各涯音宜山麓山下音鹿
 險峭也亦作峭 喬木反上巨嬌 陶岑山上音剛下助答反
 之謂谿澗字 巖峻下音同反 挺亭反出也 岬音吾各反 必葛上音步結
 反下楚但 鄒波古上一反 山隆山下都鄧反 崖徑山上音魚皆反
 反亦作 鄒波古上一反 山隆山下都鄧反 崖徑山上音魚皆反
 古定反 馮叔下先扣也 音口反 足口 嚙岬上音語反
 如重山急 脩勁下音長也 堅反 脩那上音六反 儀範下音
 反下音 脩勁下音長也 堅反 脩那上音六反 儀範下音
 則也 脩勁下音長也 堅反 脩那上音六反 儀範下音
 策勵上楚青反下音寢食反上七綿也 不遑下音皇 拘脰

上音俱下音選反百億數也
 結 崖 上音昨穿也下音止
 長也東西曰巖岫也岫音袖巖險崖
 廣南北曰巖岫也岫音袖巖險崖
 徒下悅 兄徃反 稻田 上音棧道 木架險為道也 矩奢
 音貫 下 反 峽徑 上音夾 反 下音定 闕 此益反 揆 反 夾
 上俱羽 反 峽徑 上音夾 反 下音定 闕 此益反 揆 反 夾
 下式遮 反 峽徑 上音夾 反 下音定 闕 此益反 揆 反 夾
 也 蹊徑 上音号 馥 氣盛也 馴 伏也 上音旬 順 悻 市音 序
 上音祥行 詮叙 上音全 反 匏 多 上音藥 爆 土 上音換 老反
 上有度也 詮叙 上音全 反 匏 多 上音藥 爆 土 上音換 老反
 門闕 下苦本反 弥漫 下音英 措 七 反 壩 坦 上音專 反
 宮 藥 株 代才之 餘墟坎 上音高 反 壩 坦 上音專 反
 牆也 藥 株 代才之 餘墟坎 上音高 反 壩 坦 上音專 反
 渠也 上音巨 乙 反 下音良 一 反 楚 語 略 跨 谷 上音煩 化 反 卓 尊
 上音巨 乙 反 下音良 一 反 楚 語 略 跨 谷 上音煩 化 反 卓 尊

[illegible]

珠利那國

達羅毗茶國

秣羅矩吒國

伊爛拏鉢伐多國周三十餘里國大都城北路殍伽河周二十餘里稼穡滋植華果具繁氣序和暢風俗淳質伽藍十餘所僧徒四千餘人多學小乘正量部法天祠二十餘所異道雜居近有隣王廢其國君以大都城持施衆僧於此城中建二伽藍各減千僧並學小乘教說一切有部

大城側臨殍伽河有伊爛拏山含吐煙霞蔽虧日月古今仙聖繼踵棲神今有天祠尚遵遺則在昔如來

亦嘗居此爲諸天人廣說妙法大城南有窣堵波如來於此三月說法其傍則有過去三佛坐及經行遺迹之所

三佛經行西不遠有窣堵波是室縷多頻設底拘脰

唐言聞二百億舊譯曰餘耳謬也苾芻生處昔此城有長者豪貴巨

富脫有繼嗣時有報者輒賜金錢二百億因名其子

聞二百億泊乎成立未曾復地故其足跣毛長尺餘

光潤細軟色若黃金珍愛此兒備諸玩好自其居家

以至雪山亭傳連隅僮僕交路凡須妙藥迺相告語

轉而以授曾不踰時其豪富如此卅尊知其善根將

發也命沒特伽羅子而往化焉既至門下莫由自通
長者家祠日天每晨朝時東向以拜是時尊者以神
通力從日輪中降立於前長者子疑日天也因施香
飯而歸其飯香氣遍王舍城時頻毗娑羅王駭其異
馥命使歷問乃竹林精舍沒特伽羅子自長者家持
來因知長者子有此奇異乃使召焉長者承命思何
安步泛舟鼓棹有風波之危乘車馭象懼蹟蹶之患
於是自其居家至王舍城鑿渠通漕流滿芥子御舟
安止長組以引至王舍城先禮世尊世尊告曰頻毗
娑羅王命使召汝無過欲見足下毛耳王欲觀者宜

結跏趺坐伸脚向王國法當死長者子受佛誨而往引
入廷謁王欲視毛乃跏趺坐王善其有禮特深珍受
亦既得歸還至佛所如來是時說法誨喻聞而感悟
遂即出家於是精勤修習思求果證經行不捨足遂
流血世尊告曰汝善男子在家之時知鼓琴耶曰知
若然者以此爲喻絃急則聲不合韻絃緩則調不和
雅非急非緩其聲乃和夫修行者亦然急則身疲忘
緩則情舒志逸承佛指教奉以周族如是不久便獲
果證

國西界苑伽河南至小孤山重巖巒嵒昔佛於此三

月安居降薄句羅藥叉山東南巖下大石上有佛坐
跡入石寸餘長五尺二寸廣二尺一寸其上則建
塔塔焉次南石上則有佛置置据雅迦即持說略也舊曰
跡深寸餘作八出華文佛坐跡東南不遠有薄句羅
藥叉神跡長八五六寸廣七八寸深減二寸藥叉跡
後有石佛坐像高六七尺次西不遠有佛經行之處
其山頂上有藥叉故室次北有佛足跡長尺有八寸
廣於餘六寸深可半寸其跡上有窣堵波如來昔日
降伏藥叉令不殺人食肉敬受佛戒後得生天此西
有溫泉六七所其水極熱國南界大山林中多諸野

象其形偉大從此順流仍河南岸東行三百餘里至

瞻波國

中印度境

瞻波國周四千餘里國大都城北背苑伽河周四十
餘里土地熱濕稼穡滋盛氣序濕暑風俗淳質伽藍
數十所多有傾毀僧徒二百餘人習小乘教天祠二
十餘所異道雜居

都城壘其其高數丈基趾崇峻却敵高險在昔劫初
人物什始野居穴處未知宮室後有天女降迹人中
遊苑伽河濯流自媚感靈有娠生四子焉分瞻部洲
各擅區宇建都築邑封疆畫界此則一子之國都瞻

部洲諸城之始也城東百四五十里苑伽河南水環
孤嶼崖巘崇峻上有天祠神多靈感鑿崖為室引流
成沼華林奇樹巨石危峯仁智所居觀者忘返國南
境山林中野象猛獸群遊千數自此東行四百餘里
至渴朱咀祇羅國彼俗或謂渴朱咀
未咀祇羅國周二千餘里土地泉濕稼穡豐盛氣
序溫風俗順敦尚高才崇貴學道伽藍六七所僧徒
三百餘人天祠十所異道雜居自數百年王族絕嗣
役屬隣國所以城郭丘墟多居村邑故戒日王遊東
印度於此築宮理諸國務至則葺第為宇去則縱火

焚燒國南境多野象北境去苑伽河不遠有大高臺
壘甃石而以建焉基趾廣峙刻彫奇製周其方面鑄
衆聖像佛及天形區別而作自此東渡苑伽河行六
百餘里至奔那伐彈那國中印
度境
奔那伐彈那國周四千餘里國大都城周三十餘里
宮人殷盛池館華林往往相間土地卑濕稼穡滋茂
殷稼麥菓既多且貴其菓大如冬瓜熟則黃赤剖之
中有數十小菓大如醵卵又更破之其汁黃赤其味
甘美或在樹枝如衆菓之結實或在樹根若伏苓之
在土氣序調暢風俗好學伽藍二十餘所僧徒三千

餘人大小二乘兼功綜習天祠百所異道雜居露形
尼乾寔繁其黨

城西二十餘里有跋始婆僧伽藍庭宇顯敞臺閣崇
高僧徒七百餘人並學大乘教法東印度境碩學名
僧多在於此其側不遠有翠塔波無憂王之所建也
昔者如來三月在此爲諸天人說法之處或至齊日
昨燭光明其側則有四佛坐及經行遺跡之所去此
不遠復有精舍中作觀自在菩薩像神監無隱靈應
有徵遠近之人絕粒祈請自此東行九百餘里渡大
河至迦摩縹波國東印度境

迦摩縹波國周萬餘里國大都城周三十餘里土地
泉濕稼穡時播般攘娑菓那羅維羅菓其樹雖多弥
復珍貴河流湖陂交帶城邑氣序和暢風俗淳質人
形卑小容貌黑語言少異中印度性甚獷暴志存
嗾學宗事天神不信佛法故自佛興以迄于今尚未
建立伽藍招集僧侶其有淨信之徒但竊念而已不
祠數百異道數萬

今王本那羅延天之祚胤婆羅門之種也字婆塞羯
羅伐摩音言号拘摩羅音言自據壇土奔葉君臨逮
於今王歷千世矣君上好學般庶從化遠方高才慕

義客遊雖不淳信佛法然敬高學沙門初聞有至那國沙門在摩揭陀那爛陀僧伽藍自遠方來學佛深法殷勤往復者再三未從來命時尸羅跋陀羅論師曰欲報佛恩當弘正法子其行矣勿憚遠涉拘摩羅王世宗外道今請沙門斯善事也因茲改轍福利弘遠子昔起大心發弘誓願孤遊異域遺身求法普濟含靈豈徒鄉國宜忘得喪勿拘榮辱宣揚聖教開導群迷先物後身忘名弘法於是辭不獲免遂與使偕行而會見焉拘摩羅王曰雖則不弋常慕高學聞各雅尚敢事延請曰寡能裨益蒙流聽拘摩羅王曰

華哉慕法好學願身若浮踰越重險遠遊異域斯則王化所由國風尚學今印度諸國多有歌頌摩訶至那國

秦王破陣樂者聞之又矣豈大德之鄉國耶曰然此歌者友我君之德也拘摩羅王曰不意大德是此國人當無風化東望已久山川道阻無由自致曰我大唐聖德遠洽仁化遐被殊俗異域拜闕稱臣者衆矣拘摩羅王曰覆載若斯心冀朝貢今戒日王在羯朱盟代羅國將設大施崇樹福慧五印度沙門婆羅門有學者莫不召集今遣使來請願與同行於是遂

往焉此國東山摩咀吒連接無大國都境接西南夷故其
人類獠獠矣詳問土俗可兩月行入蜀西南之境然
山川險阻障氣氛疹毒蛇毒草爲害滋甚國之東南
野象群暴故此國中象軍特盛從此南行千二三百
里至三摩咀吒國東即摩咀吒國三摩咀吒國周三千餘里濱
近大海地遂卑濕國大都城周二十餘里稼穡滋植
華果繁茂氣摩和風俗順人性剛烈形卑色黑好學
勤勵邪正兼信伽藍三十餘所僧徒二千餘人並皆
蓮華上座部學天祠百所異道雜居露形尼乾其徒
特盛去城不遠有翠堵波無憂王之所建也昔者如

來爲諸天人於此七日說深妙法傍有四佛座及經
行遺迹之所去此不遠伽藍中有青玉佛像其高八
尺相好圓備靈應時効從此東北大海濱山谷中有
室利差咀羅國次東南大海隅有迦摩浪迦國次東
有墮羅鉢底國次東有伊賞那補羅國次東有摩訶
騰波國即此云林邑是也次西南有閼摩那洲國九
此六國山川道阻不入其境然風俗壤泉聲聞可知
自三摩咀吒國西行九百餘里至耽摩栗底國東即
耽摩栗底國周千四五百里國大都城周十餘里濱
近海陸土地卑濕稼穡時播華果茂盛氣序溫暑風

俗躁烈人性剛勇。邪正兼信。伽藍十餘所。僧衆千餘人。天祠五十餘所。異道雜居。國濱海隈。水陸交會。奇珍異寶多聚。此國故其國人大。拓設富城。側率堵波。無愛王所建也。其傍則有過去四佛坐及經行遺迹之所。自此西北行七百餘里。至羯羅拏蘇伐剌那國。

東印度度境

羯羅拏蘇伐剌那國。周四千四五百里。國大都城周二十餘里。居人殷盛。家室富饒。土地卑濕。稼穡時播。衆華滋茂。殊異繁植。氣序調暢。風俗和好。尚學藝。邪正兼信。伽藍十餘所。僧徒二千餘人。習學小乘正量。

部法天祠五十餘所。異道寔多。別有三伽藍。不食乳酪。遵提婆達多遺訓也。

大城側有絡多未知僧伽藍。

唐言赤泥

庭宇顯敞。臺閣崇峻。

國中高戈達學。聰敏有聞者。咸集其中。警誡相成。承傳道德。初此國未信佛法時。南印度有一外道腹。欲問其首。或問曰。首腹何異。曰。吾學藝多能。忍腹折。裂。是問所以持照時。經旬日。入無問者。訪毫。是是人王曰。合境之內。豈無明哲。容難不酬。爲國深耻。宜更營求。訪諸幽隱。或曰。大林中有其人。其。

自稱曰沙門強學是務今屏居幽寂久矣于茲非夫
體法合德何能若此者乎王聞之已躬往請焉沙門
對曰我南印度人也客遊止此學業膚淺恐黜所聞
敢承來肯不復固辭論議無負請建伽藍招集僧徒
光贊佛法王曰敬聞不敢忘德沙門受請往赴論場
外道於是誦其宗致三萬餘言其義遠其文紛苞含
各相網羅視聽沙門一聞究覽辭義無謬以數百言
辨而釋之因問宗致外道窮理竭杜口不酬既折
其名負耻而退王深敬德建此伽藍自時厥後方弘
法教伽藍側不遠有窣堵波無愛王所建也在昔如

來於此七日說法開導其側精舍過去四佛坐及經
行遺迹之所有數窣堵波並是如來說經法之處無
愛王之所建也從此西南行七百餘里至烏荼國東
境度

烏荼國周七千餘里國大都城周二十餘里土地膏
腴穀稼茂盛允諸果實頗大諸國異草名華難以稱
述氣序溫暑風俗獷烈人貌魁梧客色留駐言辭風
調其中印度好學不倦多信佛法伽藍百餘所僧徒
萬餘人並皆習學大乘法教天祠五十所異道雜居
諸窣堵波九十餘所並是如來說法之處無愛王之

所建也

國西南境大山中有補澀波祇驚僧伽藍其石窣堵波極多靈異或至齋日時燭光明故諸淨信遠近咸會持妙華蓋競修供養承露盤下覆鉢墊上以華蓋等置之便住若磁石之吸針也此西北山伽藍中有窣堵波所異同前此二窣堵波者神鬼所建也靈奇若斯

國東南境臨大海濱有折利咀羅城唐言周二十餘里入海商人遠方旅客往來中止之路也其城堅峻多奇寶城外雜次有五伽藍臺閣崇高尊像工甚

南去僧伽羅國二萬餘里靜夜遙望見彼國佛牙窣堵波上寶珠光明離離然如明炬之懸燭也自此西

南大林中行千二百餘里至恭御陀國東印度境

恭御陀國周千餘里國大都城周二十餘里濱近海隅山阜隱軫土地熱濕稼穡時播氣序溫暑風俗勇烈其形偉其貌黑粗有禮義不甚欺詐至於文字同中印度語言風調頗有異焉崇敬外道不信佛法天祠百餘所異道萬餘人國境之內數十小城接山嶺連海交城既堅峻兵又敢勇威雄隣境逐無強敵國臨海濱多有奇寶螺貝珠璣斯為貨用出大青象超

乘致遠從此西南入大荒野深林巨木千霄蔽日行

千四五百里至羯陵伽國力伽國南境

羯陵伽國周五千餘里國大都城周二十餘里稼穡

時播華果具繁林藪聯綿動數百里出青野象陸國

所奇氣序暑熱風俗躁異性多狷獷志存信義語言

輕捷音調質正聲旨風則頗與中印度異焉少信正

法多遵外道伽藍十餘所僧徒五百餘人習學大乘

上座部法天祠百餘所異道甚衆多是尼乾之徒也

羯陵伽國在昔之時氓俗殷盛肩摩轂擊舉袂成帷

有五通仙棲巖養素人或決嗣退失神通以惡咒術

殘害國人少長無遺賢愚俱喪人煙斷絕多歷年所

頗漸遷居猶未充實故今此國人口尚少

城南不遠有窰堵波高百餘尺無憂王之所建也傍

有過去四佛坐及經行遺迹之所國境北乘大

山嶺上有石窰堵波高百餘尺是劫初時人壽無

量歲有獨覺於此入寂滅焉自此西北山林中行十

八百餘里至憍薩羅國中印境

憍薩羅國周六千餘里山嶺周境林藪連接國大都

城周四十餘里土壤膏腴地利滋盛邑里相望人戶

殷實其形偉其色黑風俗剛猛人性勇烈邪正兼信

學藝高明王利帝利也崇敬佛法仁慈深遠伽藍百
餘所僧徒減萬人並皆習學大乘法教天祠七十餘
所異道雜居城南不遠有故伽藍傍有窰塔波無愛
王之所建也昔者如來曾於此處現大神通摧伏外
道後龍猛菩薩止此伽藍時此國王号婆多訶
正珍敬龍猛周衛門廬時提婆菩薩自執師子國來
求論議謂門者曰幸爲通謁時門者遂爲入白焉龍
猛雅知其名盛滿鉢水命弟子曰汝持是水示彼提
婆提婆見水默而投鉢弟子持鉢懷疑而返
龍猛曰彼何辭乎對曰默然無所說但投鉢於水而已

龍猛曰智矣哉若人也知幾其神察微立聖盛德若
此宜速命入對曰何謂也無言妙辨斯之是歟曰夫
水也者隨器方圓逐物清濁弥漫無間澄湛莫測滿
而示之比我學之智周也彼乃投鉢遂窮其極此非
常人宜速召進而龍猛風範懍然肅物言談者皆伏
抑首提婆素拙風微久希請益方欲受業先騁機神
雅懼威嚴昇堂僻坐談玄求日辭華龍猛曰後
學冠世妙辨光前我惟衰耄遇斯俊彥誠乃竊擬有
寄傳燈不絕法教弘揚伊人是賴幸能前席雅談玄
奧提婆聞命心獨自負將開義府先遊辨國提振辭

端仰視質義忽覩威顏忘言杜口避生引責遂請受業龍猛曰復坐今將授子至真妙理法王誠教提婆五體投地一心歸命曰而今而後敢聞命矣龍猛菩薩善閑藥術餐餉養生壽年數百志貌不衰引正王既得妙藥壽亦數百王有稚子謂其母曰如我何時得嗣王位母曰以今觀之未有期也父王年壽已數百歲子孫老終者蓋亦多矣斯皆龍猛福力所加藥術所致菩薩寂滅王必徂落夫龍猛菩薩智慧弘遠慈悲深厚周給群有身命若遺汝宜往彼試從乞頭若遂此志當果所願王子恭承母命來至伽藍門者

驚懼故得入焉時龍猛菩薩方讚誦經行忽見王子忙然謂曰今夕何夕降趾僧坊若危苦懼疾驅來至對曰我承慈母餘論語及行捨之士以爲含生寶命經誥格言未有輕捨報身施諸求欲我慈母曰不然十方善逝三世如來在昔發心逮乎證果勤求佛道修習戒忍或投身針獸或割肌救鵠月光王施婆羅門頭慈力王飲餓藥又血諸若此類尤難備舉求之先覺何代無入今龍猛菩薩篤斯高志我有所求人頭爲用招募累歲未之有捨欲行暴劫殺則罪累尤多危害無辜穢德彰顯惟菩薩脩習聖道遠斯佛果

慈霜有識慧及無邊輕生若浮賤身如朽不違本願
垂允所求龍猛曰俞誠哉是言也我求佛聖果我學
佛能捨是身如響是身如泡流轉四生往來六趣宿
契弘誓不違物欲然王子有一不可者其將若何我
身既終汝父亦喪顧斯為意誰能濟之龍猛徘徊顧
視求所絕命以乾茅葉自刎其頸若利劍斷害身首
異處王子見已驚奔而去門者上白具陳始末王聞
哀感果亦命終國西南三百餘里至跋羅末羅耆釐
山唐言黑峯岷然特起峯巖峭險既無崖谷宛如全石引
正王為龍猛菩薩鑿此山中建立伽藍去山十數里

孔道當其山下仰鑿疏石其中則長廊步崇
重閣閣有五層層有四院並建精舍各鑄金像量
等佛身妙窮工思自餘莊嚴唯飾金寶從山高峯臨
注飛泉周流重閣交帶廊廡疎寮外穴明燭中宇初
引引正王建此伽藍也人力疲竭府庫空虛功猶未
半心甚憂感龍猛謂曰大王何故若有憂負王曰轉
運大心敢樹勝福期之永固待至慈氏功績未成財
用已竭每懷此恨坐而待旦龍猛曰勿憂崇福勝善
其利不窮有興弘願無憂不濟今日還宮當極歡樂
後晨出遊歷覽山野已而至此平議營建王既受誨

奉以周旋龍猛菩薩以神妙藥滴諸大石並反爲金
王遊見金身口相賀迴駕至龍猛所曰今日畋遊神
鬼所惑山林之中時見金聚龍猛曰非鬼惑也至城
所感故有此金宜時取用濟成勝業遂以營建功畢
有餘於是五層之中各鑄四大金像餘尚盈積充諸
部藏招集千僧居中禮誦龍猛菩薩以釋迦佛所宣
教法及諸菩薩所演述論鳩集部別藏在其中故上
第一層唯置佛像及諸經論下第五層居止淨人資
產什物中間三層僧徒諸舍聞諸先志曰引王營建
已畢計工人所食鹽價用九拘胝拘胝者唐言億金錢其後

僧徒忿訕就王平議時諸淨人更相謂曰僧徒諍起
言議相乖以人伺隙毀壞伽藍於是重閣及拒以損
僧徒自爾已來無復僧衆遠矚山巖莫知門徑時引
諸僧方者入中療疾蒙面入出不識其路從此大林
中南行九百餘里至聚達羅國南印度境

案達羅國周三千餘里國大都城周二十餘里号瓶
耆羅土地良沃稼穡豐盛氣序溫暑風俗猛暴語言
舛調異中印度至於文字軌則大同伽藍二十餘所
僧徒三千餘人天祠三十餘所異道寔多瓶耆羅城
側不遠有大伽藍重閣層臺剎刹剎佛像聖容麗

極工思伽藍前有石窣堵波高數百尺並阿折羅唐
所阿羅漢之所建也所行羅漢伽藍西南不遠有華
堵波無憂王之所建也如來在昔於此說法現大神
通度無量衆

所行羅漢伽藍西南行二十餘里至孤山山嶺有石
窣堵波陳那唐言菩薩於此作因明論陳那菩薩者
佛去世後承風流不替願廣大慧力深固然世無依
思弘聖教以為因明之論言深理廣學者虛功難以
成業乃匿迹幽巖棲神寂定觀述作之利害審文義
之繁約是時崖谷雲霧煙雲交來山神捧菩薩高數

百尺唱如是言昔佛世尊善權導物以慈悲心說因
明論綜括妙理深究微言如來寂滅大義泯絕今者
陳那菩薩福智悠遠深達聖旨因明之論重弘茲日
菩薩乃放大光明照燭幽昧時此國王深生尊敬見
此光明相疑入金剛定因請菩薩證無生果陳那曰
吾入定觀衆欲釋深經心期正覺非願無生果也王
曰無生之果衆聖攸仰斯三界欲洞三明智斯盛事
也願疾證之陳那是時心悅王請方欲證之無學聖
果時神吉祥菩薩知而惜焉欲阻驚誠乃彈指悟之
而告曰惜哉如何捨廣大心為狹劣志從獨善之懷

棄兼濟之願欲為善利當廣傳說慈氏菩薩所製瑜伽師地論導誘後學為利甚大陳那菩薩敬受指誨奉以周旋於是覃思沉研廣開明論猶恐學者懼其文微辭約也乃舉其大義綜其微言作因明論以導後進自茲已後宣暢瑜伽盛業門人有知當世從此林野中南行千餘里至馱那羯磔迦國亦謂大夏達境

馱那羯磔迦國周六千餘里國大都城周四十餘里上以膏腴稼穡殷盛荒時多邑居少氣序溫暑人貌黧黑性猛烈好學藝伽藍隣次荒蕪已甚存者二十

餘所傳徒千餘人並多習學大教部法天祠百餘所異道寔多

城東馱山

有弗波勢羅

唐言

僧伽藍城西據山有阿

伐羅勢羅

唐言

僧伽藍此國先王為佛建焉其川通

經疏崖時閣

長廊步階枕巖接岫靈神警衛聖賢遊

息自歸寂滅

千年之內每歲有千九夫僧同入安居

咒言

皆證羅漢以神通力凌虛而去十年之後

聖同居

自百餘年無復僧侶而山神易形或作狻

獵或為狻

驚恐行人以故空荒間無僧衆城南不

遠有大山巖

婆毗吠伽唐言論師住阿素洛宮待見

慈氏菩薩成佛之處論師雅量弘遠至德深遠外示
僧法之服內弘龍猛之學聞摩揭陀國護法菩薩宣
揚法教學徒數千有懷談議杖錫而往至波吒釐城
知護法菩薩在菩提樹論師乃命門人曰汝行詣菩
提樹護法菩薩所如我辭曰菩薩宣揚遺教導誘迷
徒仰德虛心爲日已久然以宿願未果遂垂禮謁菩
提樹著誓不空見見當有證極天人師護法菩薩謂
其使曰人世如幻身命若浮渴日勸飲未遑談議人
信往復意不會見論師既還本土靜而思曰非慈氏
成佛誰決我疑於觀自在菩薩像前誦隨心陀羅尼

絕粒飲水特歷三歲觀自在菩薩乃現妙色身謂論
師曰何所志乎對曰願留此身待見慈氏觀自在菩
薩曰人命危脆世間浮幻宜修勝善願生觀史多天
於斯禮觀尚速得見論師曰志不可集心不可裁菩
薩曰若然者宜往馱那羯磔迦國城南山巖執金剛
神所至誠誦持執金剛陀羅尼者當遂此願論師於
是往而誦焉三歲之後神乃謂曰伊何所願若此勤
勵論師曰願留此身待見慈氏觀自在菩薩指遣來
請成我願者其在神乎乃授秘方而謂之曰此巖石
內有阿素洛宮如法行請而壁當開開即入中可以

待見論師曰幽居無覩詎知佛興執金剛曰慈氏出世我當相報論師受命專精誦持復歷三歲初無異相兒芥子以擊石巖壁豁而洞開是時百千萬衆觀覩忘終論師跨其戶而告衆曰吾久祈請待見慈氏聖靈警祐大願斯遂宜可入此同見佛興聞者怖駭莫敢復戶謂是毒蛇之窟恐喪身命再三告語唯有六人從入論師顧謝時衆從容而入入之既已石壁還合衆皆怨嗟恨前言之過也自此西南行千餘里至珠利耶國南中印度境周二千四五百里國大都城周十餘里土

野空曠數決荒蕪居戶寡少群盜公行氣序溫暑風俗茲兇人性廣烈崇信外道伽藍頽毀粗有僧徒天祠數十所多露形外道也

城東南不遠有窣堵波無愛王之所建也如來在昔嘗於此處現大神通說深妙法摧伏外道度諸天人城西不遠有故伽藍提婆菩薩與羅漢論議之處初提婆菩薩聞此伽藍有沮咀羅音上阿羅漢得六神通其人解脫遂來遠尋觀其風範既至伽藍投羅漢宿羅漢少欲知足唯置一牀提婆既至無以爲席乃聚落葉指令就座羅漢入定夜分方出提婆於此陳

疑請決羅漢隨難為釋提婆尋聲重寶第七轉已杜
口不酬竊運神通力往觀史多天請問慈氏慈氏為
釋因而告曰彼提婆者曠劫修行賢劫之中當紹佛
位非爾所知宜深禮敬如彈指頃還復本座乃復抑
揚妙義剖折微言提婆謂曰此慈氏菩薩聖智之釋
也豈仁者所能詳究哉羅漢曰然誠如來言於是避
席禮謝深加敬嘆從此南入材野中行千五百六里
至達羅毗荼國南印度境
達羅毗荼國周六十餘里國大都城號建志補羅周
三十餘里土地沃壤稼穡豐茂多華果出寶物氣序

溫暑風俗勇烈深篤信義高尚傳識而語言文字少
異中即度伽藍百餘所僧徒萬餘人並皆導學上座
部法天相八十餘所多露形外道也如來在卅數遊
此國說法度人故無愛王於諸聖迹皆建窣堵波建
志補羅城者即陀磨波羅唐言說法菩薩本生之城菩薩
此國大臣之長子也幼懷雅量長而弘遠年方弱冠
王弗下降禮楚之夕憂心慘悽對佛像前殷勤祈請
至誠所感袖負遠遁去此數百里至山伽藍坐佛堂
中有僧開戶見此少年疑其盜也更詰問之菩薩具
懷指告因請出家衆咸驚異遂允其志王乃宣命推

求遐迹乃知菩薩神負遠塵王之知也ニテ增深驚異自ニ

染衣已篤學精勤令問風範語在前記

城南不遠有大伽藍國中聰叡日類華止有翠堵波
高百餘尺無愛王所建也如來在昔於此說法摧伏
外道廣度人天其側則有過去四佛坐及經行遺迹
之所自此南行三千餘里至秣羅矩吒國亦謂秣羅

境

秣羅矩吒國周五千餘里國大都城周四十餘里土
田瀉閭地利不滋海渚諸珍多聚此國氣序炎熱人
多黧黑志性剛烈邪正兼崇不尚遊藝唯善逐利伽

外道甚衆多露形之徒也城東不遠有故伽藍庭宇
荒蕪基趾尚在無憂王弟大帝之所建也其東有窣
堵波崇基已陷覆鉢猶存無憂王之所建立在昔如
來於此現大神通度無量衆用彰聖迹故此標建歲
久弥神所願或遂

國南濱海有秣剌耶山多摩崇崖峻嶺洞谷深澗其中則
有白檀香樹旃檀伽婆樹類白檀不可以別唯於感
夏多摩高遠瞻其有大蛇多摩縈於足知之猶其木性涼
及故蛇盤也既望見已射箭為記冬獵之後方乃採

下于救反似聞傾覓反危脆下取豁而反部

析擊下先王姬下居慘悽上遁逃上駟

叡明下羊枳秣上烏爾冬蟄下

歲立反敝傾上流分反

[Faint bleed-through text from the reverse side of the page]

